

سُطَّانَةٌ

ديوان عامية

سلمي أبو سريس

إصدارات مؤسسة الحسيني الثقافية



إصدارات دار الحسيني للطباعة والنشر والتوزيع

اسم الكتاب: سلطنة

اسم المؤلف: سلمى ابو سريس

رقم الايداع: 2019/ 21963م

ترقيم دولي: 8-68-6663-977-978

حقوق الطباعة محفوظة للمؤلف

لا يسمح بإعادة إصدار هذا الكتاب أو أي جزء منه أو تجزئته في نطاق استعادة المعلومات أو نقله أي شكل من الأشكال المعروفة حالياً أو التي ترد مستقبلاً دون إذن خطي مسبق المراسلات:

دار الحسيني للطباعة والنشر والتوزيع

المقطم الهضبة الوسطى الحي الرابع منزل رقم 5275 شارع عماد مصطفى

موبايل: 01144059975 ت: 27304004

بالتعاون مع دار الرضا للطباعة والنشر والتوزيع

تصميم الغلاف محمد الساعي

سُطَّانَةٌ

ديوان عامية

سلمي أبو سريس

إهداء

إلى جدتي لوالدتي

الحاجة/سلطانة

معلمتي الحياة

سلمي أبو سريس

لواقدر

نفسى يعنى تحس بيا
قلبي متشوق لقاك
نفسى اقولك روجى عاشقه
كل حرف كتبتة ليك
كل سطر كتبتة فيك
اه يا حبي اه لو اقدر
انى اعيش عمرى معاك
ليس لي فى الكون سواك
اعشق الاحلام بهاك
يا حبيبي وكل كوني
اصل عمرى واصلى كونك
كونى يعنى انى عشقتك
هى دى تبقى الحياة
شفت انا فى البحر نوه
وانت جيت طوق النجاه

.....

عشق المغنى

قلبك ده غالى اوى
وانا باعشق المغنى
ياروح ماليها الوجدع
عشقاك انا يالجدع
ارضك براح ليا
ياراويني فرح وشوق
قلبك ده غالى اوى
وانا باعشق المغنى
حضنك ملان بالدفا
عمرى ما باعرف خوف
عينك سقتنى حنان
أكثر من المألوف
فرحنى حبك اوى
فرح الكفيف بالشوف
ايديك نسيمهم عليل
لما تواسينى

انا أرض وانت الندى
من فضلك اسقيني
شكلنى زى حروف
وكمل المعنى
قلبك ده غالى أوى
وانا عاشقة للمغنى

همس

انده عليك واقول
ياشمس يا همس
يا بكرة يا أمس
انت القضا والرضا
والارض ويا الفضا
والعمر وانت الأمر
والدم في الوريد
فستان فرح والهنا
حنة ولمسة إيد
ولأقولك بس أية
يا حبيبي انت عيد

.....

نسينى

ده وجودك جنبى مهينى

ومفرحنى ومريحنى

والهم ياروحى منسينى

وبيسعدنى ومعوضنى وبيرضينى

واحلف بحياتى ونور عينى

احلف بالله وحياء دينى

.....

أسد جسور

اسد جسور

اطلق نسور

قاموا ع العدا

وهذو سور

ولى زمان الانكسار

ان الاوان لجل العبور

مايهمكوش ان كان ضلام

ان كان في نور

انت اللى صايم يا صبور

عز الآذان يارمل غالى نحرره

مهرك انا عمرى ادفعه

جندى كمان علي مدفعه

يا إما دمي أنا ح أدفعه

يا نعود بفجر لامنا

يا إما يابنى تعيش شهيد

غنى النشيد

في العيد خلاص
نلبس جديد
ميننا ومحمد أو علي
أكلو الشجر
كسرو الحجر
ومفيش غضب ومفيش ضجر
سادات خطب
جمع عرب
في الضهر الاحمر ياقمر
زالو الوجع رفعوا العلم
مش راح ننام
إلاما ترجع ارضنا
ونقول سلام
جيشنا ياخير الجنود
تعظيم سلام

.....

خدونى وياكم

يارايحين للنبي

علي النبي صلوا

في الحلق كان المرار

بحروفه يتحلّى

يارايحين للنبي

صلو عليه وذيدو

من معجزات النبي

سبح حصى بايده

يارايحين للنبي

ماتصلوا يوم عيده

اللى في يوم هجرته

أهدانا تنهيده

يارايحين للنبي

محلاها من رحلة

المسك منه انطلق

عطر مطار حنا

خذونى وياكم

في قلبى ليكم معزة

ولا يمكن انساكم

يارايحين للنبي

صلى عليه ملايين

دى معجزات النبى

باقية ليوم الدين

.....

سلطانة

في جمالها مشفتش انسانة

مفتاح الحب و عنوانه

بحنان كات عايشة ويانا

وبتحضن روحنا الحيرانة

كان حضن جميل

ومالوهش بديل

ولا ممكن غيرها

حد يشيل

وهمومنا صبحت سكنانا

ولا عاد في معنى للقانا

واروح ع الدار

املي القاكي

وبدمعى انا بارجع حزنانة

وغيابك طال

ياضمة كانت لمانا

ولاعاد فيه ناس تستنانا

وكلام نبراس

تاج فوق الراس

والعلم المحفور ع الجدران

ولاحاجة في كتاب أو كراس

.....

سنين العمر

انا قلبي مخلوق من صبار

عائش يتغلب ع الاخطار

من براه شوك

من جوه مرار

وسنين العمر بعيشها دمار

قلبي الحيران

محتار بين ظلم وحرمان

ياما شاف بعنيه

ولامرہ أتجرا يسأل ليه ؟

.....

مرار

يامرارى الطافح أه يانا
والقدرة أهى صبحت مليانه
بجراحي وهمى بتتعبى
والناس بتنام
والبال صاحي
والحمل ثقيل
وانحني عودى
والدمع معلم ف خدودى
طب امتي ياأفراحي تعودى؟
وزمانى بيضحك بأمانه
يامرارى الطافح أه يانا
البال مشغول كدا من يومى
تعبانه من كتر همومى
ولاحدش سامع شكوانا
يامرارى الطافح اه يانا
بيقولوا على فطيره يابتزا

الموز يدلع ببنانا
والجار مابيسأل ولاجاره
سبحان من خلقك ونشاننا
ولانرحم شيب
ولاقلنا ده عيب
واتساوى أحبّه مع عدانا
يامرارى الطافح أه يانا
الفرح أهو راح
والجرح مفرّع جوانا

.....

عوده

من بعد سنين العمر ثبات
وكإن انا واحدة من الاموات
فجأه قابلت انا صدفه عنيه
روحي ساعتها أهي فرحت بيه
واتولدت ما بين ايديه
عمرى يوم ما غبت عنه
قلبي ساكن جوه منه

.....

نور

نور يانور عيني
ياأحلى إيامى وسنيني
ياتانى فرحه حستها
بقلبي ساعة ولادتها
وجوه حضني أنا خبتها
وفرحنا رقصنا بحنتها
يارب الكون
كدا قوينى
توصل بسلامه
لباب بيتها

.....

جربت

شايفة نفسى لما أكبر
نجم على فوق سمايا
يحكوا عني ١٠٠ حكاية
نوع ونادر م البشر
أرضى يرويها المطر
شجرة طارحة صيف شتا
لوحة حلوة ملفتة
دنيا غير كل الوجود
العطاء من غير حدود
حلم أقرب للخيال
فرحانه بكل العيال
حققت كل الامال
دمرت كل المحال
جده أجمل مما قال
لما تموت الروح جواها
وأما تصاحب كل عداها

وأما بتسكن كده ف النار
وأما تبدّل ف ا لأدوار
وأما ماتعرف يوم تختار
تلقى الوهم كله ماليك
تلقى السهم ينفذ فيك

خلف أسوار الروح

عصفور أسير

بيصارع السجان

نفسه يغير كل مكان

نفسه يوم ينسى الأحزان

نفسه يعيش الدنيا بجد

ولا مره بيزعل حد

نفسه يكون كلنا أحباب

نفسه ننسى اى عذاب

نفسه بكرة يكون بحساب

نفسه يعدى حدود الكون

نفسه يفتح كل عيون

نفسه مره يكون مجنون

.....

مرايا

عيون قلبك ودى مرايه

بتعكس للى جوايا

يبان حبي وحنانى ليك

يانسمة طايره

ياجناح وروح

أكون وياك

مكان ماتروح

لو ثوانى تغيب عليا

تغريد البلابل نوح

.....

ياحضرتك

يامن بتعشق للنسا

وعامل صبي

إشى بيضا

إشى سمرا

واللى طويله حبتين

واللى ف قوامها مكبيه

ياواقعة سوده مهبيه

وأم النقاب ما فوتها

ربونى اهلى

ع الفضيلة والشرف

قالو لى عيب

لو بنت تكشف جسمها

ما تفك ابدأ شعرها

إلا علي كتاف زوجها

أسمع بقى

ياأما فيا تتقى

يا أما هاألع حضرتك

.....

عود أخضر

قلبك انت نبع جارى
يروى عطش كل الصحارى
لأجل يطفى حر نارى
لأجل لون الورد يظهر
لأجل تبقى الأرض مرمر
لأجل يرجع عودى أخضر
يا سنين الفرح عودى
الحنين دبل ورودى

.....

قيد التبيد

ايام سوده ماتعرف ليه
كله ف صالح سيدنا البيه
ولا نقدرش نقول فيه ايه
نهب وسرقه وكل ده ليه ؟
اوعى تقول أستاذ وعميد
كله ده خاضع للتهديد
والأخلاق قيد التبيد
هلب كوش ياللا يابيه
ده يظلم وده مد الايد
والاخلاق راحت ف حديد
ليه نبقى ساده وعبيد ؟
ليه يتعين ابن عميد
وابن العامل يبقى بعيد

والمفروض ده يبقى معيد
صوت الظالم بقى مسموع
وولادنا بتموت م الجوع
والأحزان سكنت في ضلوع

.....

قريب

بعيد عن عيني لكن
اقرب من كل قريب
وبتسكن جوه ف احساسى
ولايوم بتغيب
ماأنت معنى للوجود
وانت لجراحى الطبيب
مهما تبعد او تغيب
انت من قلبى قريب

.....

الحلقة

لماتضيق حو اليك الحلقة
وتشوف كل الالوان زرقه
ولا بتشوف ابيض ولا أخضر
ولا يبقى لك عقل يفكر
والاحلام جواك تتدمر
وتلاقي الظالم يتأمر
حتى الفاسد يصبح عالم
والعالم من علمه أتحرر
والجاهل تلقاه بيسيطر
يبقى فاضل لينا ايه ؟
علشان نبقى ونجرى عليه

.....

افكار طائشه

انا عايشه ومش عايشه
وبلملم افكارى الطائشه
مخنوقه والمسئول مين؟
ماسكينها حبة مجانيين
وهمونا بورد وياسمين
وادى حالنا بقى زى الطين
ويا عالم راح نشكى لمين؟
دا اسعد مافينا
أصبح حزين

.....

اعيش

باحبك وبأعشق كلامى معاك
وباعشق غرامك وباعشق هواك
وباعشق لاسمى لماتنادى
وباعشق غرامك واحساسى بيه
وباعشق عنيا
فى نظره عنيك
وباعشق لايدى
تلمس ايديك
وباعشق لقربك
وعمرى ثوانى
تعالى حبيبي ياطوق النجاه
تعالى حبيبي نعيش الحياه

.....

افديك

احساسى بيك مجنى

محيرنى وشاغلى

بيسعدنى

بيوعدنى

يقربنى

مايبعدنى

بيفرحنى

بحبى لىك

ويدوبنى فى نى عينك

ويسهرنى قمر لىاليك

انا عاشقه لىك

انا حاسه بلمس ايدىك

انا عمرى اللى جاى لىك

انامطرح ما اروح بلاقىك

انابلقى وروحى افديك

.....

والله

والله

واه لما القلب يحن

يفضل زى النحلة يزن

يفكرنى

يعاندنى

يقربنى

ويبعدنى

يقونى

ويسندنى

يفرحنى بيكىنى

يجتنى

ويهدىنى

والله

.....

بتأسرني

باحب عينيك وتكحيلها

بتأسرني في تسبيلها

اتوه من تاني والقانى

انا هايمه في حبي ليك

باحبك حب مش عادى

وبا تباهى بعشقى ليك

لأنك زاد وزوادى

باحبك وانت يوم العيد

.....

بتنصرنى

ياروح قلبى يانور عينى

يافرحة عمرى وسنينى

بحُبك ليا تحيينى

وتحمينى

تقوينى

علي الاحزان

بتسندنى منين ما باكون

تهون الروح فدا منك

ياأبنى ياأغلى من نفسى

بتنصرنى علي يآسى

.....

حره

جربت تعيش كدا متهدد؟

خايف أحلامك تتبدد؟

مع انك ساكن من جواك

الروح.... حره

لكن بأديك بتكتفها

خايف منك تخرج بره

ومسلم أمرك كل جبان

يشبه أورام زي السرطان

ضاغط علي روحك وأسرها

عاوزك كدا عايش من غيرها

.....

مولد

طعمياية ونص ر غيف

وطبق نابت متحوج

رز ولحمة

هيصة وزحمة

وادي بقلاوة

ويافطير

دي زمارة

ودي طراطير

ودا كدا هادي

ودا بيغير

دوشة وزيطة

وخلق كثير

ودا بيهاتي

وصوت زمامير

والالعب دي في كل مكان

حلقات ذكر ويا ياسين

طیبة و عفة و ناس مجانین

ودا صوفی

ودا منوفی

خیر بیعم

و فقر کثیر

قال ایہ مولد

سیدنا فلان

ودا بیہوش

ودا بیکوش

ودا بیفقر

ودا بینقر

ودا کویس

ودا یهیس

ودا عامل ندر

ودا ناوی الغدر

ودا تاه من ابوه

ودا اهلہ لقوه

ودا باع لضمير
ودا باع أعضاء
واللى يقول دى دماغى تاكلنى
واللى بيشرّب فى حاجات بنى
كله مباح
كله متاح
اعصاب باردة
ضمير مرتاح
كله يدور ع الأفراح
يستنى نظرة عابرة
مدد ياستي ياطاهرة
انا كل غايتي ومطلبي
انى ازور قبر النبي

.....

حمول

طول عمرى شايله الحمل

ولا مره يوم كليت

قليت بأصلك واستقويت

وليه تعيب علي الزمن

والغدر كان منك

انا عمرى ماندمت ولا كنت محتاره

انا بس متغيرة والنفس اماره

شرفى ده دائماً تاج

مش لوح إزاز ولا عاج

قلبي ملان بالأمل

ورد وبإيدى أسقيه

.....

دوامات

وانا جنبك حسيت الذل
عقلى خلاص احتار واتشل
ولا بتخاف ولا بتمل
والصبر من صبرى مل
عايشة باعانى من الاحزان
واللى انا عشته كأنه ما كان
جاحد واخذ ع العدوان
انا وياك ضحكى مجروحة
روحى كمان صبحت مشروخه
قهرك دا رمانى فى دوامه
تايهه بعانى فوق بركان
كنت اتمنى اعيش فى امان
غرقتنى فى بحور آحزان
كل كلامك كان او هام
كل حياتك غش ف غش
وبقيت انت بمليون وش

حلاوة الحب

ساحرني صوته وكلامه
واتمنيت أعيش احلامه
ساب جنته كلها علشاني
خذني معاه إلي عالم تاني
قال لي ياروحي أحلمي وأتمني
انتي بقيتي حته منّي
انا راح احقق كل أمالك
انا يا حبيبتي عرفت مقامك
عيشي معايا حلاوة الحب
انتي ملاكي وأطيب قلب

.....

عود نعناع

ياروح قلبى يانور عيني
يافرحة عمري وسنيني
يامصبرني علي الأحزان
وساند ضهري وحاميني
وواخذ إيدي م الضلمه
وف نور الحب بتهديني
يا دوايا وشايل للأوجاع
يا عود نعناع
وتاج مرجان علي جبيني
يا نبض القلب
ودم بيجرى ف شرابيني

.....

حنايا الروح

نفسى اكون وياك
ونعيش حياه عادى
لا أقول هات وهات
ولامرہ أقول زادى
أكلها حتى بملح
والبال يكون راضى
تملك حنايا الروح
وسكنت في فؤادى

.....

غضبها

كنت صعبان عليا
وانت تايه بيني وبينها
نفسك تعقد جنبى شويه
بس كنت خايف منها
كانت عينك راичه وجايه
مره عليها مره عليا
كنت بتدور علي حجه
لاجل تبص عليا شويه
وغضبها دايماً بيزيد
شايفه هي احق بيك
شايفه انك ملك ليها
عايزه عينك تبعد عنى
حست انك بتضيع منها
العذاب والغيره مره
وانت بتحاول تراضى
مره تطبطب

مره تداوى

والقلق باين عليك

شفت الحيره جوه عينك

قررت خلاص ابعء عنك

قررت خلاص انى اعفيك

ومن الحيره قلبى حاميك

لاجل ماترجع تانى حياتك

قبل عنيا ماتيجى في عنيك

.....

مشتاقه

مشتاقه ليوم انى احكى لك
عن جرحى وهمى وعن نارى
مجروحه من يومى وعائشه
عماله اخبى وادارى
ليه دائماً ويايا بتعند ؟
وباقرب منك ليه تبعد ؟
وبعادك عنى ملوعنى
وانت ولا حاسس ولا دارى
بتروح وتغيب يا أعز حبيب
ولايوم بتفكر تسمعنى
قلبى يناديك يسألنى عليك
ويقول ده حبيبك ضيعنى
مشتاقه يوم أنى احكى لك
عن همى وجرحى وعن نارى
طب امتى ح نفرح وتجينى

يا مزود شوقى وحنيني
ونقيم افراح
وتطيب لجراح
وتقول انا توبت وسامحيني
ويزيد الود
واقولك جد
يا عشرة عمرى مع سنيني
أنكاد يا عزول
ولا مره ها أقول
مشتاقه ليوم إنى إحكى لك

انتظار

تعبت من طول الأنتظار
وقلبي حس الأنكسار
لما انت ناوي تغيب فهمني
قبل ما أشعر بالمرار
اصل غيابك معناه يعني
هو قمة الأنهيار
ياما سهرت اعد ليالي
واسرح جوه عنيك بخيالي
تتجسد صورتك قدامي
عشت معاك أجمل ايامي
فجأة صحيت أنا من احلامي
ولقيتني قابضة علي النار

.....

تغير

نفسى أقولك انى راضيه
بس يا خسارة مش فاضية
طالعة اجري ع المعاش
والعقل من راسى طايش
لو لىك قلب تحت الضلوع
لو مرة بتشعر بالجوع
كنت بتحس الفقير
نفسه ف لقمة مش فطير
نفسه فى هدمة مش حرير
نفسه على عرضك تغير
لو ده يحصل يا امير
مش هنطالب بالتغيير

.....

خائف

هو حبي ليك بقي ذنب
طيب انا راح أتوب
سيدي عن كل الذنوب
هأسجد وأطلب الغفران
علي شيء أصلا عمره ما كان
حلم وخفت تحلم بيه
أو حتي تفكر تراعيه
وسنين عمرك ليه عدتها
خائف حتي من أحلامك
وبتغرق في بحور أحزانك

.....

لحظة بلحظة

ليه مش قادر تبقي معايا
وانا ما بكنش الا معاك
قلبي بيجري قبل ميعادك
لجل بسرعة قوام يلقاك
خدني وطير ع الجنة الحلوة
رضوان مستنينا هناك
ياللا نعيش انا وانت حياتنا
سيبك من هذا ومن ذاك
عيش ويايا لحظة بلحظة
أحلامي انا لقيتها معاك
ع الرملة بتفرشلي ملاية
وبنقسم غنوة وضحاكية
انسى همومك يا حبيب ياللا
بزيادة حرمان ومذلة
دانا وانت تايهين من يومنا
عايشين بنداري في همومنا

ايه يجرى لو مرة حلمنا ؟
نطمع نخرج برا حدودنا
ولامرة حاجة تقيدنا
ما أنا قلبي عاشقك بجنون
قررنا مايسعنا الكون
كله مادام وياك يا عنيا
طول ما ايديك شابكين ف ايديا
ليه مش قادر تبقي معايا
وانا ما بكنش غير وياك

.....

ملام

لساك بتكابر وبتصرخ
وانا اللي بلملم أشلائك
وبتجرح قلبي بعزم ما فيك
بتعارض نواميس الكون
وانا ها أعلن غضبي عليك
وعاملي حكيم ؟
وبتوزن دايمًا في كلامك
وشبعت ملام
وانت يا انسان
مخلوق من طين
زي بقية النبي آدمين
ساعة بتفرح
وساعات بيعدى الوقت حزين
وما بين الممكن والمعقول
عمال بتقلب في مراية

وتحط الماسك قوام ع الوش
انا زهقانة
ازاي راح تزرع بس الورد
والوقت خريف
وريموت احساسك
أصله مخيف
مابقاش بيغير في مشاعري
ويجيب قنوات تبقي علي الكيف

.....

شبه لعبة

عمال تتباهي امام الكل

بانك تلعب بمشاعري

والكل بيحلم نفس الشيء

بيشد الفستان من كتفي

ويشد الشعر

وكأني عروسة

وحجارة ف ايديك ويا ريموت

حاسب اللعبة بتصرخ وتعاني

والموج يحدفها رايح جاي

ولا حاسس قلبك يوم بيها

ولا حتى بتسمع صدي للصوت

ترميها قوام وسط الشارع

والليلة دي ايه ؟

علشان ناسي

دي ليلة العيد

فرج أصحاب ع اللعبة

قلب فيها

شوطها

واستني كتير للبابا نويل

يمكن هيجيبك يوم غيرها

ويمكن مايجيش

.....

قلب مشقق

مابقاش مهم

تكون حبيب

مابقتش عايزة ضمتك

ولا عاشقة تاني

همسك ... كلامك ... رقتك

والقلب متشقق وجع

مقتولة عايشة ميتة

فستاني ده ولا كفن ؟

حبك ده اصبح كالطوفان

أصبح دمار

بركان وزاد فيه اللهب

وعصاك ما عادت ساحرة

غدرك محال يوم يتمحي

هو انت ميت ولا حي

أنا شامة ليه ريحة عفن

.....

أكتمال

حبك كدوار البحار

طوق نجاه

ومد ومرسي

أوضة أزاز

روحي زي طفل

حاولوا يفطموه

والبيت ده غربه

وانت الحنان

وعود الفل والياسمين

يا ضحكة بتنور سمايا

زي قمر الليل

يوم الأكتمال

والأحتمال

ان يكون الصبح عيد

انت الهلال

انت احتلال كل الجسد

والقلب والضلع الشمال

بعذك محال

عشقاك حلال

قبلك مفيش اصلا حياة

وانت طريقي لجنتي

صادق أمين

الصدق دايمًا كلمته
والأمر صادر من الآله
يجري لخديجة يقولها
زمليني ودثري
هو اللي اتحمل اذى
بعديها ربي اسري بيه
واتجمعوا كل الملل
وحاوطوا داره بالسلاح
وعلي كان في فراشه نام
صديق رفيقه ف رحلته
اما العناية م الآله
اسس لدولة مجدنا
بالعلم ارسل للوفود
كل الاراضي اتعمرت
فاطمة من النسل الشريف
أم الحسين أم الحسن
والدرع أصبح مهرها

عين الحبيب
كانت حنون
فاقت نساء العالمين
كل الشرف أصبح لنا
وبقينا غير كل الأمم

عنيذ

جمع بواقي الأمل

خبيني بين ايديك

أكتب بايديك

ع السما

حرفين لعشق

وفي الضلوع

بالف معني للسكوت

انا اللي باوهد لك حياه

وانا جرحي سالف م الوريد

حبة وجع

لساك عنيذ

ماسك في ايديك شنطتاك

بتقول وداع

.....

آنسة

الحلوة غاويه المنظره

حبة صور

وكمان بتسبيل العيون

فستانها كاشف كل شئ

وقوام قوام

ولا بلاش

والشعر مصبوغ الف لون

وايدها خالية من الدبل

الحلوة بتقول آنسة

يا ستي بصي في البطاقة أتنيلى

عيب أختشي

.....

ممنوع المرور

عشقك زهور

عشقك طيور

وعطر يملي في الصدور

ويافطة ممنوع المرور

انت الثقة

قبل الغرور

وحلم عالي في القصور

الكل يتمني الرضا

واقفين طابور

انت اللي فارس دنيتي

دايما جسور

.....

رهان

وبتراهن علي عمري
حياتي معاك اكيد احلي
تعليني تهنيني
تفسر كل أحلامي
بترسم ضحكة علي وشي
تعديني بحور وبحور
وبتخليني بيبك أقوي
اشوف بكرة خضار في خضار
ونسهر ليلنا والسمار
علي شط الهوي الصافي
أمد ايديا أجيب نجمات
بدون جناحات
نطير ونعلي للسموات
ونبقي قصة يحكوها
كمان في كتاب

.....

غفرانك

يارب منك مدد
احميني من ضعفي
انا طالبة غفرانك
بأرفع ايديا اليك
وادعي في كل اذان
بحق جاه النبي
وببركة القرأن
يارب منك مدد
ولا ليا غيرك نصير
رزقت دودة ف حجر
وبترزق العصافير
يارب منك مدد
احميني دنيا ودين
طمعانة في جنتك
فيها الزيتون والتين

يا رب منك مدد

احسن خواتمنا

اكفينا شر البشر

لو يوم هتظلمنا

.....

فتافيت سلمى

انا سلمى جدي سريس

الأصل والمعني

في الغدر اصلي ماليش

وعاشقة للمغني

.....

ابويا رباني ع الأصل من صغري

علمني انظر امام والمشي في الدوغري

ولا عمري ملت شمال

والغالي كان مهري

.....

قلبي انا في هواك يدوب

حتي لو عدت قرون

أنت تاج كل القلوب

لو جابولي مال قارون

ايوة عشقاك بس لكن

ساعة يوجعني كلامك

والهوي في القلب راكن

مش بأشوف الا ملامك

هو يعني القطر فاتك

كل شئ من صنع ايدك

ياللي توهب لي حياتك
قلبي اهوه ساكن في جيدك

كل يوم قرب بخطوة
تلتقي قلبي ف طريقك
اصل حبي ماكانش نزوة
والسطور اهي فوق جبينك

ايوة غيرتي تبقي ميزة
يا اللي قلبي عليك بيصفح
ذكري واللهمي عزيزة
انت لأخر القلب مطرح

قلبي متشعل نيران
وانت تحلف لي بباطل
هات كمان حتي الميزان
والحقيقة بلاش تماطل

كل واحد له ظروفه
والحجج ما بتنتهي
واللي يغلط يا كسوفه
اما ناس ما بتختشي

ليه بتبعد عن حبيبك
والعروق فيها الرطوبة
او عي لا تسييني لغريمك

واتحدف كام الف طوبة

أاه يا حب ناره حامية
قلبي موجوع مش سليم
لو مراية الحب عامية
يبقي انا عايشة ف جحيم

انت عامل ليه فتوة
كل ساعة القاك تتور
انت تبقي صاحب مروه
ولا قاسي يا عم غور

شفت ياما كثير مقاسي

والله هو ليا حاسب

ما التقيت أهلي وناسي

وعمري ما حسبت المكاسب

.....

ياللا قرب جنب مني

اصل أنا عشقك صراحة

واوعي مرة يوم تلومني

عمري ما اهدي لك مساحة

.....

قلبي أخضر زي قلبك

وقت ما تقوم الشدايد

والصعاب انا شفت قبلك

والتمن مدفوع فوايد

ربي قال ان احنا نسعي

لأجل من نحقق طموح

أجري اصل الدنيا واسعة

لما نيجي او نروح

انا حملي تقيل

وانحني عودي

يا ليالي الفرح

قوام عودي

واعزف وياكي

علي عودي

يا اللي هواك قدر

علي قلبي صار مكتوب

حبي ليك ده اجر

يمسح كل الذنوب

مشتاق يا قلبي

لييوم العيد

والاحزان تداري بعيد

تصبح احبه وايد ف ايد

وفرحة جاية بدون مواعيد

تعبت جدا وقلبي داب

تعبت من طول الغياب

وامتي أرتاح م العذاب

حد يرد باي جواب

باحبك وبتمناك

تكون دايمًا معايا

لو تفكر مرة تبعد

تبقي ليا دي النهاية

من يومي شايقة نفسي

حرة وروحي عفيفة

ولا حد في الكون ده زيي

حتي الزناتي خليفة

.....

يا طه نادينا نلبي نذاك

نكل عيوننا بفرحة لقاك

نروح المدينة نصلي هناك

يا رب تسعدني بفرحة لقاك

.....

بأكره كل حياتي معاك

بأكره ضعفي وقت لقاك

تعرف حتي باكره ايه

بكره اسمي لو تناديه

انا قلبي صابه الوجع

والأهه سكنت فيه

بعدك عليل بالقوي

مين غيرك راح يشفيه

انا دم وانت وريد

ساكنه بتجري فيه

لو عني لحظة تغيب

قولي انا احيا ليه؟؟

تقلت حمولي ما شالها
علي ضهري تقلت حموله
ولما سابني ما شالها
قلبي وروحي حموله

قالي عليا اسندي
ماحد غيري يشيلك
ولما تقلت حمولي
قالي انا لقيت بديك

انا راح الف الدنيا بحالها
مش راح اكل وشايله حمول
ربك قادر يصلح حالها
بس الدعوة تكون بقبول

سيرة ذاتية

عضو اتحاد كتاب مصر*

عضو رابطة الزجاجالين وكتاب الأغاني *

عضو نادي برج العرب *

عضو حزب مستقبل مصر *

لها ديوان زي ما ترسي *

"تحت الطبع" (ديوان قلبك سكن _ بلاش مناهدة _ احزان

عتيقة)

حصلت علي شهادات تقدير من نادي أدب برج العرب *

تم تكريمها بمركز الشباب كأم مثالية عام 2017*

تم تكريمها من جمعية الجدار المبين *

تكريم انا ضابط لكني شاعر *

حصلت علي الام المثالية من حزب المصريين الأحرار

*2018

تقدير من جمعية تنمية المجتمع برج العرب *

شهادة تقدير من مؤتمر العامية اتحاد كتاب مصر اغسطس

*2018

تشارك في الأمسيات والمهرجانات داخل وخارج محافظة

الاسكندرية *

حصلت علي دكتوراه من حركة السلام في افريقيا تزكية

التجمع العربي *

شاركت في مهرجان البحيرة 2019*

شاركت في مهرجان أشمون 2019 وتم تكريمها *

.....

الفهرس

- 1- إهداء 5
- 2- لو أقدر 7
- 3- عشق المعنى 8
- 4- همس 10
- 5- نسيني 11
- 6- أسد جسور 12

-7 خدوني وياكم

14

-8 سلطنة

16

-9 سنين العمر

16

-10 مرار

19

-11 عودة

21

-12 نور

22

13- جربت

23

14- خلف أسوار الروح

23

15- مرايا

26

16- يا حضرتك

27..... 17-

18- عود أخضر

29

19- قيد التبديد

30

20- قريب

32

21- الحلقة

33

22- أفكار طائشة

34

23- أعيش

35

24- أفديك

36

25- وآاه

37

26- بتأسرني

38

27- بتتصرني

39

28- حرة

40

29- مولد

41

30- حمل

44..... 31-

32- دوامات

45

33- حلاوة الحب

46

34- عود نعناع

47

35- حنايا الروح

48

36- غضبها

49

37- مشتاقه

51

38- انتظار

53

39- تغيير

54

40- خايف

55

41- لحظة بلحظة

56

42- ملام

58

43- شبه لعبة

60

44- قلب مشقق

62

45- اكمال

63

46- صادق أمين

65

47- عنيد

67

48- آنسة

68

49- ممنوع المرور

69

50- رهان

70

51- غفرانك

71

52- فتافيت سلمى

73

53- سيرة ذاتية

85

54- الفهرس

87



مع تحيات

دار الحسيني للطباعة والنشر والتوزيع

رئيس مجلس الادارة

عبد القادر الحسيني

المشرف العام

محمد عبد القادر الحسيني

المدير العام

عصام عبد القادر

نائب المدير

حسام الدين عبد القادر الحسيني

الهيئة الاستشارية للدار

الدكتور على جاد الحق

الدكتور حسام عقل

الدكتور بسيم عبد العظيم

الدكتور لطفي سيد صالح

الشاعر عادل عبدالموجود

الدكتور رمضان الحضري